

ხელშეკრულება # ii - 1/27
სახელმწიფო შესყიდვის შესახებ
(გამარტივებული შესყიდვა)

ქ. თბილისი

26 თებერვალი 2015წ.

ერთის მხრივ, სსიპ „საქართველოს ეროვნული მუზეუმი“, (შემდგომში - შემსყიდველი) მისი გენერალური დირექტორის მოადგილის დევან ძნელაძის სახით და მეორეს მხრივ, შპს „ოვალი“, (შემდგომში - მიმწოდებელი) მისი დირექტორის დიმიტრი არჩვაძის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს!“ ქვეპუნქტის შესაბამისად, დებენ წინამდებარე ხელშეკრულებას შემდეგზე:

1. ხელშეკრულების საგანი

- 1.1. სსიპ საქართველოს ეროვნული მუზეუმის საკუთარი შემოსავლების სახსრებიდან, CPV 45431100 - იატაკის ფილების დაგება.

2. ხელშეკრულების ობიექტი და ღირებულება

- 2.1. ხელშეკრულების ობიექტს წარმოადგენს, საქართველოს ეროვნული მუზეუმის შ. ამირანაშვილის სახელობის ხელოვნების მუზეუმის ღია ტერასის მოპირკეთების უზრუნველსაყოფად, სამუშაოს გაწევა.
- 2.2. ხელშეკრულებით გათვალისწინებული სამუშაოს მთლიანი ღირებულება დანართი #1-ის (ზარჯთაღრიცხვა) მიხედვით შეადგენს 2803.68 (ორი ათას რვაასამი ლარი და 68 თეთრი) ლარს დღგ-ს ჩათვლით.

3. სამუშაოს შესყიდვის ვადა და ადგილი

- 3.1. ამ ხელშეკრულებით გათვალისწინებული სამუშაო სრულად უნდა იქნეს შესყიდული 2015 წლის 9 ნოემბერი.
- 3.2. შესყიდვის ობიექტის მიწოდების ადგილი: ქ. თბილისი, გუდიაშვილის ქ. #1.

4. შესყიდვის ობიექტის მიღება-ჩაბარების წესი

- 4.1. შემოწმებით თუ გაწეული სამუშაო აკმაყოფილებს შემსყიდველის მოთხოვნას, მხარეთა შორის ფორმდება მიღება-ჩაბარების აქტი, რომელიც ხელმოწერითა და ბეჭდით უნდა დაამოწმონ შემსყიდველისა და მიმწოდებლის უფლებამოსილმა პირებმა.
- 4.2. სამუშაო ჩაითვლება სრულად შესყიდულად მიღება-ჩაბარების აქტის გაფორმების შემდეგ.

5. ანგარიშსწორების პირობები

- 5.1. სამუშაოს შესყიდვის ღირებულების ანაზღაურება განხორციელდება ფაქტიურად გაწეული სამუშაოს შესაბამისად წარმოდგენილი ანგარიშის (ფორმა #2), საგადასახადო ანგარიშ-ფაქტურის და მხარეთა შორის გაფორმებული მიღება-ჩაბარების აქტის საფუძველზე, 10 საბანკო დღის განმავლობაში.
- 5.2. ანგარიშსწორება იწარმოებს უნაღდო ანგარიშსწორებით, ლარებში, მიმწოდებლის რეკვიზიტებში მითითებულ საბანკო ანგარიშზე.

6. მხარეთა ძირითადი უფლება-მოვალეობანი

- 6.1. შემსყიდველს უფლება აქვს:

- 6.1.1. მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება;
- 6.1.2. განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;
- 6.1.3. მოსთხოვოს მიმწოდებელს დეტალური ინფორმაცია გასაწევი სამუშაოს შესახებ.

- 6.2. შემსყიდველი ვალდებულია:

- 6.2.1. გადაიხადოს სამუშაოს ღირებულება ამ ხელშეკრულებით გათვალისწინებული წესითა და ოდენობით;
- 6.2.2. გაწეული სამუშაოს ნაკლის აღმოჩენის შემთხვევაში, დაუყოვნებლივ წერილობით აცნობოს მიმწოდებელს და მოითხოვოს ნაკლის აღმოფხვრა;
- 6.2.3. დაიცვას ხელშეკრულებით განსაზღვრული სხვა პირობები.

- 6.3. მიმწოდებელს უფლება აქვს:

- 6.3.1. მოსთხოვოს შემსყიდველს გაწეული სამუშაოს ღირებულების ანაზღაურება ხელშეკრულებით გათვალისწინებულ ვადებში;
- 6.3.2. მოითხოვოს შემსყიდველისაგან ხელშეკრულების სხვა პირობების დაცვა.

- 6.4. მიმწოდებელი ვალდებულია:

- 6.4.1. შეასრულოს ხელშეკრულებით გათვალისწინებული სამუშაო;

- 6.4.2. გაწეული სამუშაოს ნაკლოვანების შემთხვევაში თავისი ხარჯით უზრუნველყოს აღნიშნული ნაკლის გამოსწორება;
- 6.4.3. გასწიოს სამუშაო საკუთარი ძალებითა და ტექნიკური საშუალებებით;
- 6.4.4. წინასწარ აცნობოს შემსყიდველს მოსალოდნელი შეფერხების შესახებ;
- 6.4.5. ჯეროვნად შეასრულოს ხელშეკრულებით გათვალისწინებული ყველა სხვა პირობა.

7. მხარეთა პასუხისმგებლობა ხელშეკრულების პირობების დარღვევისას

- 7.1. მიმწოდებელი პასუხისმგებელია გაწეული სამუშაოს ხარისხზე და ვალდებულია სრულად აუნაზღაუროს შემსყიდველს ნებისმიერი ზიანი, რომელიც მას შეიძლება მიადგეს სამუშაოს უხარისხოდ ან არაჯეროვნად გაწევის გამო.
- 7.2. ხელშეკრულებით ნაკისრი ვალდებულებების არაჯეროვნად შესრულების, ან შეუსრულებლობის შემთხვევაში ყოველი დაგვიანებული დღისათვის მხარეებს ეკისრება პირგასამტებლო ხელშეკრულების საერთო ღირებულების 0.1% ყოველ გადაცილებულ დღეზე.
- 7.3. პირგასამტებლოს გადახდა არ ათავისუფლებს მიმწოდებელს სამუშაოს გაწევის ვალდებულებისაგან.
- 7.4. თუ დაკისრებული პირგასამტებლოს ჯამური თანხა გადააჭარბებს საანგარიშსწორებო პერიოდისათვის გასაწევი სამუშაოს ღირებულების 10%-ს, შემსყიდველს უფლება აქვს მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ.

8. ხელშეკრულების ინსპექტირების პირობები

- 8.1. შემსყიდველს ან მის წარმომადგენელს უფლება აქვთ ხელშეკრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 8.2. თუ შესყიდვის ობიექტი არ შეესაბამება ხელშეკრულების პირობებს და არსებული სტანდარტების მოთხოვნებს, შემსყიდველი მიმწოდებელთან ერთად, ან მის გარეშე ადგენს აქტს დადგენილი წესის შესაბამისად.
- 8.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.
- 8.4. მიმწოდებლის მიერ ნაკისრი ვალდებულებების შესრულების კონტროლს შემსყიდველის მხრიდან განახორციელებს, გიორგი მარსაგიშვილი - ხელოვნების კოლექციების კონსერვატორი.

9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2. ამ მუხლის მიზნებისათვის „ფორს-მაჟორი“ ნიშანას მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი აღტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების გადასინჯვის შესაძლებლობა

- 10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.4. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11. ხელშეკრულების მოქმედების ვადა

11.1. ხელშეკრულება ძალაშია ხელმოწერის დღიდან და მოქმედებს 2015 წლის 31 დეკემბრამდე.

11.2. ხელშეკრულებით ცალკეული პირობების მოქმედების შეწყვეტა მხარეებს არ ათავისუფლებს ნაკისრი ვალდებულებების შესრულებისა და გაწეული სამუშაოს ანაზღაურების ვალდებულებისაგან.

12. დავების გადაწყვეტის წესი

12.1. ხელშეკრულების დამდები მხარეები თანხმდებიან მასზე, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ხელშეკრულების ირგვლივ წარმოქმნილი ნებისმიერი უთანხმოება და დავა.

12.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაც საკითხების შეთანხმებას, ნებისმიერ მხარეს შეუძლია მიმართოს დავის გადაწყვეტის დადგენილ წესს.

13. დასკვნითი დებულებანი

13.1. „სახელმწიფო შესყიდვის შესახებ“ საქართველოს კანონის მე-8 მუხლის შესაბამისად სახელმწიფო შესყიდვის განხორციელებაში მხარეების მონაწილეობა არ იწვევს ინტერესთა კონფლიქტს.

13.2. წინამდებარე ხელშეკრულებით გათვალისწინებული პირობები რეგულირდება საქართველოს კანონდებლობით.

13.3. მიმწოდებელს არ აქვს უფლება გადასცეს მესამე პირს თავისი უფლებები და მოვალეობები შემსყიდველის წერილობითი თანხმობის გარეშე.

13.4. მესამე პირთან ურთიერთობაზე მხარეები მოქმედებენ თავიანთი სახელით, ხარჯითა და რისკით.

13.5. ხელშეკრულება შედგენილია თანაბარი იურიდიული ძალის მქონე 2 (ორი) ეგზემპლარად და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14. მხარეთა რეკვიზიტები

„შემსყიდველი“

სსიპ „საქართველოს ეროვნული მუზეუმი“

საიდენტ კოდი: 204468664

იურიდ. მის: თბილისი, რუსთაველის გამზ. #3.

ტელეფონის ნომერი: 298 21 35.

მიმღების ბანკი - სახელმწიფო ხაზინა

მიმღების დასახელება - ხაზინის ერთიანი ანგარიში

ბანკის კოდი - TRESGE22

მიმღების ანგარიში/სახაზინო კოდი - 708467499

„მიმწოდებელი“

შპს „ოვალი“

მის: ქ. თბილისი, გ. მიროტაძის ქ. #12.

ტელ: 555 14 46 64

საიდენტ: 405051170

სს „საქართველოს ბანკი“

კოდი: BAGAGE22

ა/ს GE28BG 0000 0008 4222 2400

ლევან მნელაძე
გენერალური დირექტორის მოადგილე



დიმიტრი არჩვაძე

დირექტორი



დანართი #1.

საქართველოს ეროვნული მუზეუმის შ. ამირანაშვილის სახელობის ხელოვნების მუზეუმის ღია ტერასის
მოსაპირკეთებელი სამუშაოს შესახებ ხარჯთაღრიცხვა

| # | სამუშაოს დასახელება | განზომ ილება | რაოდე ნობა | მასალა | | ხელფასი | | საერთო ჯამი |
|---|--|-----------------|---------------|-------------------|--------|-------------------|--------|----------------|
| | | | | ერთეულ ის ფასი | ჯამი | ერთეულ ის ფასი | ჯამი | |
| 1 | 2 | 3 | 4 | 5 | 6 | 7 | 8 | 9 |
| 1 | არსებული ფილების დემონტაჟი | მ2 | 25 | | | 4,00 | 100,00 | 100,00 |
| 2 | იატაკის მოჭირვა | მ2 | 25 | 3,00 | 75,00 | 4,00 | 100,00 | 175,00 |
| 3 | ლინოკრომის დაგება | მ2 | 25 | 23,00 | 575,00 | 6,00 | 150,00 | 725,00 |
| 4 | მაღალი ხარისხის მოწიქული ფილების დაგება | მ2 | 25 | 30,00 | 750,00 | 10,00 | 250,00 | 1000,00 |
| | ჯამი: | | | | | | | 2000,00 |
| | ზედნადები ხარჯები | 10% | | | | | | 200,00 |
| | ჯამი: | | | | | | | 2200,00 |
| | მოგება | 8% | | | | | | 176,00 |
| | ჯამი: | | | | | | | 2376,00 |
| | დღგ | 18% | | | | | | 427,68 |
| | სულ ჯამი: | | | | | | | 2803,68 |

გენერალური დირექტორის მოადგილე
ლევან მნელაძე



დირექტორი
დიმიტრი არჩვაძე

